

5. november 2013

UKA 2013/127  
Finn Karlsen

**Kalaallit Nunaata Extractive Industries Transparency Initiative-mi (EITI) candi-date/compliant country status-eqarluni ilaasortanngorsinnaaneranut periarfissat pillugit Naalakkersuisut naalagaaffimmut attaveqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

Inatsisartunut ilaasortap Doris Jakobsen Siumut, nunatta avammut niuerneruleriartornissaa eqqarsaatigalugu Naalakkersuisut naalagaaffimmut attaveqaqqullugit peqquneqarnissaannik siunnersuuteqarnera Siumumiit taperseratsigu oqaatigissavarput.

Taamatut siunnersuuteqarnerup siunertaraa siunissami nunatta avammut niuerneruleriartornerani ilaatigut soorlu aatsitassanik olie immaqalu aamma gas-si avammut tunisassiu-leratarsinnaanerop, pisortat namminersortullu akornamminni isertuaatsumik tatigeqatigiilunilu isertitanik iluanaarutinillu saqqummiussiveqatigiitarnissap aqutissiunnissaa.

Tassa imaapoq nunatsinni suliffissualiorqarnissaanut tunngatillugu ammasuunissamik aammalu illuatungaani amaffigineqarnissatsinnut aningaasarsiornissatsinnut annertuumik pingaaruteqartussaamat.

Taamaamat EITI-mut - Aatitassarsiornermik inuussutissarsiuteqartut isertuusaqanginnissaat pillugu suleqatigiiffimmut - ilaasortanngorsinnaasutut / naapertuisutut nanatut inissisimalernisaq - pillugu Naalakkersuisut naalagaaffimmut attaveqaqqullugit peqqusineq Siumumiit pisariaqartutut isigigipput.

Maanna periarfissaq nunatta qallunaat nunaat peqatigalugu suleqatigiiffimmut ilaasortaanera, matumani tamanna nukittorsarneqarnissaa siunertaavoq, nunatut ilaasortanngorsinnaasutut inissisimalernikkut, taamaamat siunnersuut Siumumiit tamakkiisumik taperse-riput oqaatigeqqissavarput.

Taamatut naatsumik oqaaseqarluta siunnersuut isumaqatigaarput aappassaaneerneaqtinnaguli Aatsitassanut Ataatiimiitaliami suliarineqarnissaa innersuusutigaarput.